




Langa o ya sekolong. O tlohile hae hoseng haholo.

Ntlo yabo e hole le sekolo.

O thabetse ho kgutlela sekolong hobane dikolo di ne di  
kwetswe dikgwedikgwedi.



Tseleng, a fapohela habo Mandla.

Ke nako e telele Langa a sa bone motswalle wa hae.

Ba ne ba sa dumellwa ho bapala mmoho.

Bashanyana ba thabelane ba dumedisana ka ditsu le  
menwana ya maoto.



Bashanya ba tswelapele ho ya sekolong ka tabatabelo e kgolo.

Ba thabetse ho bua ka ho kwalwa ha naha.


"O entseng ho itshireletsa kgahlanong le kokwanahloko?"  
Langa a botsa.



"Ke ne ke tsoha hoseng ke hlapo matsoho, ke a hlapo hape pele ke ja," ho araba Mandla.

"E, re hlatswa matsoho a rona kgafetsa," Langa o medullana le Mandla.

"Re kga le metsi kgafetsa," a tlatseletsa.



"Ke ne ke tlwaetse ho dula le metswalle yaka, empa jwale ha ke kgone hobane ha re a tshwanela ho dula hara batho ba bangata," ke Mandla yeo.

"Ho na le melao e mengata e metjha," ke Langa yeo a fehelwa.



Langa a tswela pele a re, "O lokela ho kwahela nko le molomo wa hao ha o tswela. Ha o kgohlela o lokela ho kgohlella ka bohareng ba setsu. Kamora moo, o lokela ho hlapa matsoho."




"Moo ke dulang, ha re sa kgonà ho bapala bolo ya maoto,"  
ho bolela Mandla.

"Nna moo ke dulang, batsofe ha ba sa kgonà ho ya tliniking  
ho ya lata meriana ya bona," ho rialo Langa.




"Kokwanahloko le ho kwalwa ha naha di amme batho ba dulang metsaneng hampe haholo," ho rialo Langa.

"Ha re sa kgoná ho ya toropong hobane dipalangwang tsa setjhaba di se ne di sa palangwe," ho bua Mandla.



"Jwale batho ba bangata ba phelang ka ho rekisa ha ba sa kgona ho rekisa," ke Mandla a tswela pele.

Bashanya ba thola. Ha ba atamela sekolo ba phakisa.



Langa a re, "Ho qhoba nako ke ne ke hlatswa ke thusa le ka ho pheha. Ke ne ke shebella thelebishi hape ke bala."

"Nna ke ne ke raha bolo. Ke ne ke thusa mme hape ke bala dipale," ho rialo Mandla.

Bashanyana ba fihla sekolong ka nako.



## —Dipotso

1. O entseng ho ipaballa kgahlanong le sewa sa kokwana ya Khorona? Hlalosa.
2. Leqepheng la 10, bashanyana ba bua ka tse fetileng. Ngola mantswe a bona jwaloka ka ha e ka ba bua kajeno. (lekgathe lejwale)
3. Ngola mantswe a bona e ka ba bua ka kamoso (lekgathe letlang).



Pale ena e theilwe dirapotong tsa radiyo ya RX.  
Radio ena ke ya inthanete ya bana.

Radiyo RX e haswa ho tswa Red Cross War  
Memorial Children's Hospital Motseng wa Kapa.

RX e thusa bana ho bua dipale ka ditaba tse ba  
amang tse bohlokwa ho bona.

Ketelo seyalemoyeng sa RX